

Leabhrán Faisnéise d'Iarrthóirí

Oifigeach Tacaíochta Oifige & Corparáideach

**Tá an tIonad Náisiúnta le Sonraí Bithéagsúlachta tiomanta do bheartas
comhdheiseanna.**

Dáta Deiridh d'Iarratais:

5in Dé Máirt an 7ú Bealtaine 2024

(Ní bhreithneofar Iarratais Dhéanacha)

AN POST

Cúlra

Bunaíodh an tIonad Náisiúnta le Sonraí Bithéagsúlachta mar chuideachta faoi theorainn rátháíochta i mí na Nollag 2022, tar éis chinneadh an Rialtais an tionscnamh a chur ar bhonn níos sláine, chun an Ionad a chumhachtú agus a acmhainniú níos fearr chun tacú le comhiarracht náisiúnta na hÉireann chun cailteanas bithéagsúlachta a aisiompú agus chun cur le hathchóiriú an dúlra. Is é príomhról an Ionaid ná cur le tógáil an bhunachar eolais ar bhithéagsúlacht agus rianú a dhéanamh ar an athrú atá ag teacht air in Éirinn. Oibríonn sé lena chinntiú go mbíonn fáil níos éasca ar shonraí agus ar fhaisnéis faoi bhithéagsúlacht na hÉireann le húsáid i dtaighde, i mbainistíocht caomhnaithe agus i gcinnteoireacht. Tá sé mar thosaíocht ag an Ionad a chinntiú go bhfuil rochtain éasca ar shonraí agus ar fhaisnéis do phobail áitiúla agus do dhaoine aonair chun tuiscint agus léirtheiscint níos fearr ar bhithéagsúlacht ag an leibhéal áitiúil a chur chun cinn. Is eintiteas a fhaigheann maoiniú poiblí den chuid is mó é an Ionad Náisiúnta le Sonraí Bithéagsúlachta, seachas comhlacht earnála poiblí.

Tá John McCarthy, iar-Ard-Rúnaí sa Roinn Comhshaoil, Pobail agus Rialtais Áitiúil ina chathaoirleach ar Bhord Stiúrtha an Ionaid, agus ina measc tá Ciara Carberry, an Dr Colm Lordan, Ted Massey, an Dr James Moran, Máire Ní Bhraonáin, Micheál Lehane, Geraldine Tallon, an tOllamh Yvonne Buckley agus Colette Byrne. Soláthraíonn an Chomhairle Oidhreachta maoirseacht. Tá trí Choiste ag an Ionad Náisiúnta le Sonraí Bithéagsúlachta; an Coiste Rialachais & Straitéise, an Coiste Comhairleach Eolaíoch agus an Coiste Airgeadais, Iníúcháireachta & Riosca.

Tá an tIonad Náisiúnta le Sonraí Bithéagsúlachta lonnaithe i dTeach Gort na Feá, Ollscoil Teicneolaíochta an Oirdheiscirt (SETU), An Campas Thiar, Cloch an Óir, Co. Phort Láirge. Faoi láthair tá foireann de 13 acu faoi stiúir an Phríomhoifigigh Feidhmiúcháin, an Dr Liam Lysaght, ach tá foireann á earcú aige faoi láthair agus mar sin beidh 20 ball foirne acu faoi dheireadh 2024. Feidhmíonn an tIonad Náisiúnta le Sonraí Bithéagsúlachta beartas oibre hibrideach le foireann atá lonnaithe i bPort Láirge agus a oibríonn go cianda. Soláthraíonn Teach Gort na Feá spás oifige, seomra seimineáir, leabharlann tagartha agus áiseanna ceaintín, agus feidhmíonn sé mar phointe teagmhála don phobal.

Chun oibríochtaí oifigbhunaithe an Ionaid a bhainistiú, lena n-áirítear tacaíocht seirbhísí corparáideacha a sholáthar don Bhord agus dá gCoistí, tá an tIonad Náisiúnta le Sonraí Bithéagsúlachta ag iarraidh Oifigeach Tacaíochta Oifige agus Corparáideach a cheapadh

Ag tuairisciú don Phríomhoifigeach Oibriúcháin, soláthróidh an Oifigeach Tacaíochta Oifige agus Corparáideach tacaíocht bhainistíochta d'fheidhmeanna corparáideacha an Ionaid agus cinnteoidh sé oibríochtaí éifeachtacha bainistíochta oifige. Chun sonraí a fháil faoi ról agus faoi obair an Ionaid Náisiúnta le Sonraí Bithéagsúlachta féach ar an suíomh gréasáin <https://biodiversityireland.ie/>.

Príomhdhualgais agus Príomhfhreagrachtaí

Áireofar ar phríomhdhualgais an ról:

Bainistíocht oifige

- Próisis bhainistíochta oifige a fhorbairt agus a chur i bhfeidhm
- Príomhtheagmháil le SETU ar sheirbhísí campais
- Monatóireacht a dhéanamh ar sholáthairtí oifige agus soláthairtí nua agus/nó trealamh oifige a ordú de réir mar is gá
- Déileáil le soláthraithe agus bainistiú conartha le haghaidh seirbhísí
- Clár Sócmhainní a Bhainistiú
- Bainistiú nósanna imeachta Sláinte & Sábháilteachta

Seirbhís do chustaiméirí

- Fónamh mar oifig thosaigh – ag déileáil le fiosrúcháin ón bpobal i gcoitinne
- Fón a fhreagairt agus ríomhphoist a bhainistiú ón gcuntas info@
- Díolacháin siopaí ar líne agus sonrascadh a bhainistiú
- Déileáil le comhfhreagras, fiosrúcháin agus gearáin

Tacaíocht chorparáideach

- Tacaíocht ghinearálta a sholáthar don Bhord agus do Choistí an Ionaid Náisiúnta le Sonraí Bithéagsúlachta.
- Cruinnithe a bhainistiú, miontuairiscí a ghlacadh agus tacaíocht a sholáthar do chruinnithe Boird, Coiste agus cruinnithe eile de réir mar is gá.
- Freagracht as páipéarachas a sholáthar agus a bhainistiú
- Cúnamh a sholáthar don fheidhm airgeadais
- Freagracht as bainistiú a dhéanamh ar HR Locker/bileog saoire srl

Beidh ar an Oifigeach Tacaíochta Oifige & Corparáideach:

- Cur le hobair ghinearálta an Ionaid Náisiúnta le Sonraí Bithéagsúlachta de réir mar a iarrtar.

- Bheith inoiriúnaithe agus solúbtha, le cumas chun glacadh le hathrú, scileanna nua a fhoghlaim go tapa agus freagrachtaí breise a ghlacadh mar chuid d'eagraíocht nuafhorbartha.
- Cinntiú go ndéantar bainistiú gníomhach ar shláinte agus sábháilteacht agus go gcuirtear cultúr dearfach sláinte agus sábháilteachta chun cinn.
- Cur le heagrú agus rannpháirtíocht chomhdhálacha nó imeachtaí eagraíochta eile de réir mar is gá.
- Nuashonrú rialta a dhéanamh ar bhealaí meán sóisialta agus suíomh gréasáin an Ionaid Náisiúnta le Sonraí Bithéagsúlachta.
- Leanúint ar aghaidh le hoiliúint ghairmiúil d'fhonn feabhas a chur ar an gcumas ról a chomhlíonadh agus leanúint ar aghaidh ag freastal ar chúrsaí oiliúna agus ar chomhdhálacha ábhartha mar a sainaitníodh.
- Nuashonruithe ar dhul chun cinn an chláir oibre a sholáthar go rialta don bhainisteoir líne ar dualgas, agus do chruinnithe ráithiúla Boird an INSB agus tuarascálacha bliantúla.
- Gach beartas agus nós imeachta ábhartha de chuid an Ionaid Náisiúnta le Sonraí Bithéagsúlachta a chomhlíonadh.
- Tiomantas do mheas agus dínit a thabhairt do chách, mar aon leis an gcumas oibriú go dearfach le comhghleacaithe, le comhoibrithe agus le hoiliúnaithe ó raon éagsúil cúlraí.

Critéir_Riachtanacha don ról

Ní mór d'iarrthóirí a léiriú ina litir chlúdaigh agus Curriculum Vitae go gcomhlíonann siad na critéir riachtanacha go léir thíos.

Caithfidh gach iarrthóir, ar an dáta is déanaí chun foirmeacha iarratais comhlánaithe a chur isteach;

- Céim aitheanta, Leibhéal 8 sa Chreat Náisiúnta Cáilíochtaí, in ábhar a bhaineann leis an bpost.
- Trí bliana de thaithí ag obair i ról riaracháin/bainistíochta oifige, nó ag soláthar seirbhísí tacaíochta corparáidí do chuideachta bheag nó mheánmhéide.
- A bheith eolach ar bheartais riachtanacha agus ar nósanna imeachta oibriúcháin atá oiriúnach do Chuideachta bheag faoi Theorainn Rátháíochta (CTR).
- Scileanna bunúsacha cuntasáíochta.
- Scileanna eagraíochtúla agus bainistíochta den scoth.
- Scileanna spreagtha, cumarsáide agus idirphearsanta den scoth a bheith acu.
- An cumas oibriú i dtimpeallacht foirne le scileanna láidre eagrúcháin agus bainistíochta ama.
- Sárscoilanna ríomhaireachta, ag léiriú taithí fhairsing ar Microsoft Word, Excel agus Outlook.
- Cearta iomlána oibre a bheith acu in Éirinn.

Scileanna Pearsanta

- Breithiúnas, smaointeoireacht anailíseach, scileanna fadhbréitigh agus cinnteoireachta agus scileanna ceannaireachta agus idirphearsanta den scoth ag leibhéal bainistíochta na heagraíochta a léiriú.
- Scileanna den scoth maidir le scríobh tuairiscí, idirphearsanta, cumarsáide agus tionchair.
- Taithí i mbainistíocht athruithe.
- Na scileanna agus na straitéisí riachtanacha a bheith acu chun teagmháil láidir le geallsealbhóirí a thógáil chun caidrimh chomhoibríocha éifeachtacha agus marthanacha a dhéanamh.

Ós rud é go bhfuil an Ionad Náisiúnta le Sonraí Bithéagsúlachta ina chéim bhunaíochta tosaigh mar CTR, beidh an timpeallacht oibre dinimiciúil agus éabhlóideach, ag iarraidh ar gach ball foirne glacadh le agus bainistiú a dhéanamh ar athrú agus freagrachtaí nua a ghlacadh de réir mar is gá. Mar thoradh air sin, níor cheart breathnú ar na freagrachtaí atá leagtha amach sa jabthuaisc seo mar raon feidhme ionchuimsitheach agus féadfar iad a chur leis nó a athrú de réir mar is gá, ag teacht le riachtanais an Ionaid Náisiúnta le Sonraí Bithéagsúlachta.

Tuairisciú

Tuairisceoidh an tOifigeach Tacaíochta Oifige & Corparáideach don Phríomhoifigeach Oibriúcháin.

COINNÍOLLACHA SEIRBHÍSE

Tionacht

Tá an post lánaimseartha agus buan.

Tuarastal

Is é an scála tuarastail do phost Oifigeach Tacaíochta Oifige & Corparáideach ná: €40,000 – €41,500 – €43,500 – €45,000 – €47,000 – €48,750 – €50,500 – €52,000 – €54,000 , agus arduithe á mbronnadh go bliantúil, faoi réir feidhmíochta shásúil sa ról. Tar éis 3 bliana ar an uasmhéid, beidh Incrimint Fadseirbhíse go dtí €55,000 ar fáil, agus beidh Incrimint Fadseirbhíse breise go dtí €57,000 ar fáil tar éis 3 bliana eile, agus beidh an dá cheann acu faoi réir ag feidhmíocht shásúil sa ról arís.

Saoire Bhliantúil

23 lá in aghaidh na bliana. Ag ardú go 24 tar éis 5 bliana seirbhíse agus go 25 tar éis 10 mbliana seirbhíse.

Áit oibre

Is é an áit oibre ná Ceanncheathrú an Ionaid Náisiúnta le Sonraí Bithéagsúlachta, Teach Ghort na Feá, Ollscoil Teicneolaíochta an Oirdheiscirt (SETU), An Campas Thiar, Cloch an Óir, Co. Phort Láirge, X91 PE03.

Tabhair faoi deara le do thoil go bhfuil polasaí oibre hibrideach i bhfeidhm ag an Ionad Náisiúnta le Sonraí Bithéagsúlachta faoi láthair, atá faoi réir athraithe chun freastal ar riachtanais an ghnó.

Uaireanta Tinrimh

Is í an ghnáthsheachtain oibre ná 37.5 uair, 09.00 – 17.30 Luan go hAoine, agus uair an chloig don lón.

Beidh ar an iarrthóir rathúil uaireanta breise a oibriú ó am go ham de réir mar a bheidh réasúnta agus riachtanach chun a c(h)uid dualgas a chomhlíonadh i gceart faoi réir na dteorainneacha atá leagtha síos sna rialacháin um amanna oibre. Ní bhainfidh rátaí ragoibre le huaireanta breise a oibreofar lasmuigh de ghnáthuaireanta.

Scor / Aoisliúntas:

Cuirfidh an tIonad Náisiúnta le Sonraí Bithéagsúlachta ranníocaíocht pinsin 5% ar fáil do Chuntas Coigiltis Scoir Pearsanta (CCSP) an fhostaí.

Promhadh

Beidh tréimhse tar éis don cheapachán teacht in éifeacht ar lena sealbhóidh an duine ceaptha a fhostaíocht ar phromhadh. Sé mhí a bheidh sa tréimhse sin, ach féadfaidh an Príomhfheidhmeannach, dá rogha féin, an tréimhse sin a fhadú. Féadfaidh duine scor dá leithéid d'fhostaíocht ag deireadh na tréimhse seo de rogha an Phríomhoifigigh Feidhmiúcháin.

Léiríonn an méid thuas na príomhchoinníollacha fostaíochta agus níl sé beartaithe é a bheith mar liosta ionchuimsitheach de na téarmaí agus coinníollacha fostaíochta go léir a leagfar amach i gconradh fostaíochta mionsonraithe a bheidh le comhaontú leis an iarrthóir rathúil.

Próiseas Iarratais

Modhanna Roghnúcháin

Féadfaidh aon cheann nó gach ceann díobh seo a leanas a bheith sa phróiseas roghnúireachta:

- Iarrthóirí a ghearrliostú. Is é an Ionad Náisiúnta le haghaidh Sonraí Bithéagsúlachta a chinnfidh líon na n-iarrthóirí a dtabharfar cuireadh chun agallaimh dóibh. Déanfaidh Sigmar Recruitment an gearrliostú thar ceann an Ionaid Náisiúnta le Sonraí Bithéagsúlachta i gcoinne na gcritéar atá sonraithe don phost agus ar bhonn na faisnéise atá i Litir Chumhdaigh agus CV an iarrthóra amháin. Cé go bhféadfadh iarrthóir riachtanais incháilitheachta an chomórtais a chomhlíonadh, má tá líon na n-iarratas ar an bpost chomh mór sin nach mbeadh sé praiticiúil agallamh a chur ar gach duine, féadfaidh Sigmar Recruitment a chinneadh go nglaofar líon níos lú chuig an gcéad chéim eile den phróiseas roghnúcháin. Maidir leis seo, déanann Sigmar Recruitment foráil d'fhostú próiseas gearrliostaithe chun grúpa a roghnú, bunaithe ar scrúdú ar an CV agus ar an Litir Chumhdaigh, a bhfuil an chuma orthu gurb iad na daoine is oiriúnaí don phost. Ní hionann sin is a rá go bhfuil iarrthóirí eile mí-oiriúnach nó éagumasach chun an post a dhéanamh, ach go bhfuil roinnt iarrthóirí ann, bunaithe ar a n-iarratas, go bhfuil cáilíochtaí níos fearr acu agus/nó go bhfuil taithí níos ábhartha acu. Féadfaidh na critéir riachtanacha agus inmhianaithe araon a shonraítear don phost a bheith ar áireamh sna critéir ghearrliostaithe. Tá sé chun do leasa féin mar sin cuntas mionsonraithe cruinn a thabhairt ar do cháilíochtaí/taithí i do Litir Chumhdaigh agus CV.
- Agallamh.
- Féadfaidh an Ionad Náisiúnta le Sonraí Bithéagsúlachta painéal a chruthú óna bhféadfar folúntais ag an ngrád sonraithe a líonadh amach anseo.

Tá sé i gceist agallaimh a chur ar siúl le linn na seachtaine dar tús Dé Luain an 20ú Bealtaine 2024 ag oifigí an Ionaid Náisiúnta le Sonraí Bithéagsúlachta, Teach Ghort na Feá, Ollscoil Teicneolaíochta an Oirdheiscirt (SETU), An Campas Thiar, Cloch an Óir, Co. Phort Láirge, X91 PE03. Is féidir freastal ar Agallaimh Chianda ach amháin i gcásanna eisceachtúla agus dosheachanta. Tá an t-agalláí freagrach as a chinntiú go bhfuil rochtain aige/aici ar áiseanna imleor le cur ar a gcumas páirt a ghlacadh in agallaimh ar líne.

Ní bheidh an tIonad Náisiúnta le Sonraí Bithéagsúlachta freagrach as aon chostas a d'fhéadfadh a bheith ar iarrthóir agus é/í ag freastal ar agallamh.

Teistiméireachtaí

Bheadh sé úsáideach dá dtosódh tú ag smaoineamh ar ainmneacha na ndaoine a bheadh mar mholtóirí oiriúnacha a d'fhéadfaimis dul i gcomhairle leo (2 ainm agus sonraí teagmhála). Ní gá d'fhostóir reatha a áireamh leis na moltóirí ach ba cheart go mbeidís in ann teistiméireacht a sholáthar duit; ba cheart go mbeadh ceann amháin díobh seo ar a laghad ina dhuine a raibh caidreamh díreach tuairiscithe agat leo. Ba chóir go mbeadh na moltóirí in ann faisnéis réasúnta le déanaí a sholáthar ar do fheidhmíocht agus ar d'iompraíocht i gcomhthéacs oibre. B'fhéidir gur mhaith leat moltóirí a roghnú a bheidh in ann faisnéis den sórt sin a sholáthar ó dhearcaí éagsúla nó i gcomhthéacsanna éagsúla oibre. Tabhair faoi deara, le do thoil, nach ndéanfaimid teagmháil le moltóirí ach amháin má thagann tú faoi bhreithniú tar éis na céime agallaimh. Tabhair faoi deara, le do thoil, má éiríonn leat san agallamh, go mbeidh teistiméireacht de dhíth orainn ó d'fhostóir reatha roimh mholadh do cheapachán.

Conas Iarratas a Dhéanamh

Chun iarratas a dhéanamh, cuir isteach **curriculum vitae (C.V.)** ionchuimsitheach a thaispeánann go soiléir na héachtaí agus an taithí ábhartha i do ghairm bheatha go dtí seo. Ní mór duit freisin **litir chumhdaigh (gan níos mó ná trí leathanach)** a chur isteach, le teideal an ról sa líne ábhair, ag cur síos ar an bhfáth a bhfuil suim agat sa deis agus an áit a gcreideann tú go gcomhlíonann do scileanna, eolas agus taithí riachtanais an ról. **Ní mór gach iarratas a chur isteach tríd an tairseach iarratais ar líne. Is féidir leat teacht ar an tairseach trí <https://biodiversityireland.ie/>**

Dáta Deiridh

Ní mór do CV agus Litir Chumhdaigh a chur isteach faoi 5in Dé Máirt ar an 7ú Bealtaine 2024. Ní ghlacfar le hiarratais tar éis an ama seo.

Mura bhfaigheann tú admháil go bhfuarthas d'iarratas laistigh de 24 uair an chloig tar éis duit iarratas a dhéanamh, déan teagmháil le do thoil le publicsector@sigmar.ie

Iarrthóirí faoi Mhíchumas

Tá an tIonad Náisiúnta le Sonraí Bithéagsúlachta tiomanta do chomhdheiseanna do gach iarrthóir. Má tá míchumas ort nó má theastaíonn socruithe réasúnta uait le linn an phróisis earcaíochta, molaimid duit sinn a chur ar an eolas chun a chinntiú go bhfaighidh tú an tacaíocht atá uait. Ní bheidh aon tionchar ar an bpróiseas roghnúcháin ag éileamh coigeartuithe nó freastal réasúnach agus déileálfar leis an bhfaisnéis go léir a nochtfar faoi rún daingean.

Iarrthóireacht a mheas a bheith tarraingthe siar

Ní bheidh aon éileamh chun comaoin breise ag iarrthóirí nach bhfreastalaíonn ar agallamh cibé áit agus cibé am a éilíonn an tlonad Náisiúnta le Sonraí Bithéagsúlachta, nó nach dtugann, nuair a iarrtar sin, cibé fianaise a éilíonn an tlonad Náisiúnta le Sonraí Bithéagsúlachta maidir le haon ábhar a bhaineann lena n-iarrthóireacht.

An Tréimhse Glactha

Éileoidh an tlonad Náisiúnta le Sonraí Bithéagsúlachta ar an duine dá dtairgtear ceapachán glacadh leis an gceapachán laistigh de thréimhse nach faide ná trí mhí agus má theipeann air/uirthi glacadh leis an gceapachán laistigh de cibé tréimhse nó cibé tréimhse níos faide mar a chinneann an tlonad Náisiúnta le Sonraí Bithéagsúlachta dá rogha féin, ní cheapfaidh an tlonad Náisiúnta le Sonraí Bithéagsúlachta é/í.

Ag canbhasáil

Iarracht ar bith ó iarrthóir, nó ó aon duine/daoine a ghníomhaíonn ar thionscnamh an iarrthóra, go díreach nó go hindíreach, trí chumarsáid scríofa nó ar shlí eile tionchar a imirt i bhfabhar an iarrthóra, ar aon bhall d'fhoireann an Ionaid Náisiúnta le Sonraí Bithéagsúlachta nó ar dhuine ainmnithe ar bith ag an tlonad Náisiúnta le Sonraí Bithéagsúlachta chun iarratasóirí a chur faoi agallamh nó a scrúdú, dícháileofar an t-iarrthóir go huathoibríoch ón bpost atá á lorg.

Grinnfhiosrúchán an Gharda Síochána

Féadfar grinnfhiosrúchán an Gharda Síochána a lorg i leith daoine aonair a thagann faoi bhreithniú lena gceapadh.

Sláinte

Beidh iarrthóirí i riocht sláinte a thabharfadh le fios go bhfuil ionchas réasúnach acu maidir le cumas chun seirbhís rialta agus éifeachtach a dhéanamh. D'fhonn an ceanglas maidir le sláinte a shásamh d'fhéadfadh sé a bheith riachtanach don iarrthóir rathúil, sula gceapfar é/í, dul faoi scrúdú dochtúra ag liachleachtóir cáilithe le bheith ainmnithe ag an tlonad Náisiúnta le Sonraí Bithéagsúlachta.

Fiosrúcháin/Tuilleadh Faisnéise

Má theastaíonn faisnéis bhreise uait nó chun plé rúnda a shocrú maidir leis an deis, seol ríomhphost le do thoil chuig ncoleman@sigmar.ie

Eolas Ginearálta

Comhlíonadh Dlíthiúil

Tá an tIonad Náisiúnta le Sonraí Bithéagsúlachta tiomanta do chomhlíonadh na reachtaíochta ábhartha ar fad le linn an fheachtais earcaíochta seo, lena n-áirítear na hAchtanna um Chomhionannas Fostaíochta 1998-2015, an tAcht Fostaíochta (Forálacha Ilghnéitheacha) 2018, na hAchtanna um Chosaint Sonraí 1988 - 2018, agus na hAchtanna um Shaoráil Faisnéise 1997, 2003 agus 2014.

Comhlíonadh RGCS

Bailíonn, próiseálann agus stóráil an tIonad Náisiúnta le Sonraí Bithéagsúlachta sonraí pearsanta, mar a sholáthraíonn iarratasóirí agus iad ag cur isteach ar an ról atá ar fáil. Déantar na sonraí a sholáthraíonn iarratasóirí a bhailiú, a thaifeadadh, a stóráil, a choinneáil agus a scríosadh i gcomhréir leis na hAchtanna um Chosaint Sonraí 1988 - 2018.

Úsáid Gléasanna Taifeadta

Tá cosc ar threalamh taifeadta a úsáid le linn an phróisis iarratais agus agallaimh.

Oibleagáidí na nIarrthóirí

Ní cheadaítear d'iarrthóirí faisnéis bhréagach nó mhíthreorach a sholáthar go feasach. Ní cheadaítear d'iarrthóirí cur isteach ar an bpróiseas iomaíochta nó é a chur i gcontúirt ar bhealach ar bith.

Iarratas ar Aiseolas

Cuirfear aiseolas ar fáil ag deireadh an phróisis roghnúcháin. Más gá a thuilleadh aiseolais is féidir é seo a iarraidh trí ríomhphost a sheoladh chuig ncoleman@sigmar.ie